

古物陳列所福氏古物館成立週年紀念報告



## 古物陳列所福氏古物館成立週年紀念報告

本所處時局嚴重之秋，爲社會服務，如臨深淵，常虞不測興，環境惡劣，古人有云，艱苦卓絕，本所邇來情況，卓絕雖不敢自詡，而艱苦則實已備嘗之矣，然本所同人仍不敢自逸自怯，沈浸其中，有如修道，總思竭盡區區之愚，增設陳列物品，以供各界人士之欣賞與研究，已往歷史，諒能鑑及，民國二十四年七月一日，美洲福開森博士，將生平所藏巨量古物，委託本所在文華殿展覽，顏曰福氏古物館，歲月不居，星霜一度，至本年七月三十日適爲一週年，實已衝動中外學者之觀念不淺，惟當時有甲骨泉布兩項珍貴物品，業經送至南京金陵大學保存，未獲參加，歷史學家，不免引爲缺點，今春福博士因公晉京，親自携歸，加以整理，計甲骨骨一大櫃，泉布四大櫃，於六月三十日週年紀念



之期，增入文華殿公開展覽，並將福博士四十餘年零星搜集之古錦八十餘種，編爲三十八開，於本仁殿，精製璧框，一併陳列展覽，福博士苦心孤詣，愛護中國舊文化，不遺一物，并指示後進以科學考古之方法，豈但艱苦，實可謂之卓絕，吾儕對之當作如何之感愧耶，至其所有各古物來歷，與考古源流，甚有關係，亦多可記，已請福博士專著福氏所藏古物概說，以資參考，茲不復贅及，唯本所尙欲補充一言者，泉布是也，查九府圖法，根據金珠，權其輕重，自周以來，迄未有改，此無他，因其爲民生日用必需之物也，降至後世，國用不足，並圖致遠計，間有爲飛券鈔引以通商貿易之用，甚至有以楮爲幣者，然其法，執券引以取錢，而非以券引爲錢，一時之通變則有之，至乎其極，仍非計算質量不可，此古人制作之精意，白楮斷不能變作黃金，雖百世可知也，溯商

周以至有清，凡三千六百餘年，泉布之品類，不下七百餘種，不唯集泉布之大觀，並可以覘當時國家盛衰強弱之故，茲特表而出之，以期高明有所指教，幸甚，民國二十五年六月三十日錢桐。

0  
40627

福氏古物館週年紀念報告